Universal Declaration of Human Rights - Komi-Permyak

© 1996 – 2009 The Office of the High Commissioner for Human Rights

This HTML version prepared by the UDHR in Unicode project, http://www.unicode.org/udhr.

Морт правоэзлон быдос мирись отласа декларация

Примитом и паськыта юортом Генеральной Ассамблеялон 217 A (111) резолюцияон декабрь 10 луно 1948 годо

Кыводз

Медбы тöдны, что морт семьяись быд членлöн эм аслас достоинство, а сылöн öткодь да мырддьытöм правоэз лоö воля, справедливость да лöнь олан понда основаöн; медбы тöдны, что морт правоэз нем туйö пуктöм вайöтіс ни умöль, кöда морт увтырлö оз сет овны совесть сьöрті, и что сэтшöм мирыс, кытöн отирыс пондас авйыны да сернитны повтöг, а овны нуждатöг, лоас сьöлöмсянь керöм быдöнныс понда; и

медбы тöдны, что колö керны быдöс, медбы мортлöн пра- воэз дозирайтсисö законöн и эз адззисьö моггез мортыслö лэбтісьны паныт умöля видзöмлö да дзескöтöмлö; и

медбы тöдны, что пыр колö отсавны отиррезлö ёртасьöмын; и

медбы тöдны, что Йитöм Нацияэзлöн народдэз гижисö вын мортлісь медыджыт правоэз, вылына лэбтісö личностьлі дон, мужиккезлісь да инькаэзлісь öтыжда правоэз и кутчисисö эшö ёнжыка отсавны социальнöй прогресс да вольнöй олан бурсьöтöмын; и

медбы тöдны, что членнэз-государствоэз кöсйисисö отсавны Нацияэзлöн Йитöм Чукöрлö öтласа уджын, öтамöд коласын морт правоэз сьöртi бытшöма да вольнöя олöмын; и

медбы тöдны, что энö правоэсö да свободаэсö позьö тырмö пыртны оланас дзир сэк, кöр быдöнныс вежöртöны нылісь ыджыт донсö,

ГЕНЕРАЛЬНОЙ АССАМБЛЕЯ паськыта юорто это морт правоэзлісь быдос мирись отласа декларациясо кыдз задача, кодо керны коло вынтотчыны быд отирло и государстволо сійон, медбы быд мортыс и быд общественной это Декларациясо юрын ороттог видзтон, просвещенне да велотчом увья вынтотчисо керны быдос, медбы донтны эно правоэсо да свободаэсо, пыртны нійо олано национально да отиррезлон отласа прогрессивной праздниккезо Чукорись членнэз-государствоэзлон быд отиррезон бытшома примитомон.

1 гижöт

Быдöс отирыс чужöны вольнöйезöн да öткоддезöн достоинствоын да правоэзын. Нылö сетöм мывкыд да совесть овны öтамöдныскöт кыдз воннэзлö.

2 гижöт

Быд мортло борйисьтог сетсьоны быдос правоэз да эз, кодна висьталомось эта Декларацияын, кытшом бы эз вов раса, кучиклон ром, пол, кыв, ено веритом, политической да модік вежор, национальной нето социальной петом, имущество да сословие.

Сідз жö оз позь торйöтлыны политическöй, правовöй нето страналöн международнöй статус увья, нето сьöрті, кытöн олö мортыс, ась эта территорияыс вольнö кинкö увтын, аснас оз веськöтлы нето

кыдз-нибудь моднёж зэлотом суверенитетын.

3 гижöт

Быд мортлон эм право овны дзескоттог да ворзьоттог.

4 гижöт

Некинос оз позь видзны рабствоын нето подан сайын; раб видзом да раббезон вузасьом оз вермо вовны миян оланын.

5 гижот

Некинос оз вермо пытайтны, уськотны мортыслісь достоинство умоль мог нето наказаннё пыр.

6 гижёт

Быд мортлöн, кытöн бы сія эз вöв, эм право лыддьыны асьсö праволöн субъектöн.

7 гижöт

Мийо быдонным законыс одзын откодьось и отмоза дорйомось. Миян быдоннымлон эта Декларация сьорті право дорйыны асьнымос быдос умольсянь, кинсянь бы сія эз лок.

8 гижёт

Быд мортлон эм право бертны аслыс оштом правоэз, кодна сетомось сыло конституцияон нето законон, тодчана национальной суддэзын.

9 гижöт

Некинос оз позь законтог арестуйтны, кутны нето вотлыны.

10 гижöт

Быд мортлон, кор сійо винитоны уголовной статья сьорті, право тодны справедливой независимой судын ассис правоэз да обязанносттез и эм я мыйко сэтшомыс, мед сійо винитны.

11 гижöт

- 1. Быд морт, кор сійо винитоны умольын, вермо лыддисьны правон сэтчодз, кытчодз сылісь умоль керомсо законно оз мыччав осьта суд, кытон мортысло сетсьо быдос дорйот понда.
- 2. Некинöc оз позь судитны мый понда бы эз вöв, ежели эта коста керöмась нацональнöй закон нето быдöс отиррезлöн право сьöрті нем умöльыс эз вöв. Оз вермы сідз жö мыжйöмыс сьöкытжыкöн сысся, кöда вермис лоны сетöм умöль керöмыс коста.

12 гижöт

Некин оз вермы дзугны мортлісь ассис да семейной ворзьотны сылісь оланін, честь да бур ним. Быдыслон эм право сайовтны асьсо ворзьотломмезсянь законон.

13 гижöт

1. Быд мортлон эм право вольноя ветлотны и борйыны аслыс горт коть кытшом государствоын.

2. Быд морт вермö мунны йöз и аслас странаись и бертны аслас странаö бöр.

14 гижöт

- 1. Быд мортлон эм право дзебсисьны вотломсянь модік странаэзын и овны сэтчин.
- 2. Эта правоыс öшö сэк, кöр мортсö кошшöны не политическöй преступленнё понда, а мöдік умöлись, мыйыс мунö паныт Нацияэзлöн Йитöм Чукöрлöн принциппезлö да моггезлö.

15 гижöт

- 1. Быд мортлон эм право гражданство выло.
- 2. Некинлісь оз вермо весись мырддьыны гражданство нето правосо вежны сійо.

16 гижöт

- 1. Мужиккез да инькаэз, кöдна лыддисьöны нолетньöйезöн, вермöны гöтрасьны, керны семья, кытшö бы нылöн раса, национальность нето религия эз вö Нылöн эмöсь öткодь правоэз гöтрасьны, öтлаын овны и торйöтчыны.
- 2. Гöтрасьны позьö дзир сэк, кöр кыкнан мортыс олöны бы öтлаын.
- 3. Семья это учотик, но дона колана торок отирыслон, и отирысло да государствоысло коло дорйыны сійо.

17 гижёт

- 1. Быд мортлон вермас лоны имущество кыдз аслас, сідз и отласа.
- 2. Некинлісь оз позь мырддьыны имуществосо астогьяс.

18 гижöт

Быд мортыс вермо асмознас авйыны, совеститчыны да ны енло; эта правоыс сето вежны ассит ен, моднеж вежортны олан, отнатло и отлаын модіккезкот донтны коть кытшом енос да ассиныт арт, велотчыны, юрбитны да чулотны религиозной да ритуальной обряддэз йоз дырни нето дзир аскоттят.

19 гижот

Быдыс вермо артавны асмознас и коть кытон баитны эта йылісь йозло; эта правоыс сето мортысло воля овны аслас юрон, повтог кошшыны, адззыны да новйотны омон юо да ассис арттэз кыдз сія только кужо и кытшом бы границаэз сайын эз вов.

20 гижöт

- 1. Быд мортлöн эм право öксьыны öтлаö да бытшöма сёрнитны, а сıдзжö йитсьыны чукöррезö.
- 2. Некинос оз позь вынон пыртны кытшом-либо чукоро.

21 гижöт

- 1. Быд мортыслон эм право веськотлыны аслас странаон веськыта нето вольноя борйом йоз пырйот.
- 2. Быд мортыс вермо отмоза керны аслас странаын государственной

3. Отирлöн воляыс, тшöктöмыс – эм юраліссез властьлö основа; эта воляыс мыччассьö выборрезын, кö чулöтсьöны быдöс отирöн и öткодя бöрьян право сьöрті гусьöна голосуйтöмöн нето мöднёж, но тожö свободнöя голосуйтöмöн.

22 гижöт

Быд мортлöн, кыдз обществолöн членлöн, эм право социальнöй отсöт вылö, вылына видзны ассис достоинство, свободнöя зорöтны личность экономическöй, социальнöй да культурöй сфераэзын национальнöй уджöн, отиррез коласын ёртасьöмöн да быд государстволöн структура да вермöм сьöртi.

23 гижöт

- 1. Быд мортлон эм право уджавны, свободноя борйыны удж, корны уджын бытшом да справедливой условиеэз, дорйисьны, медбы уджсис эз чапко.
- 2. Быд мортлöн эм право öткодь удж понда öткодь вештöм вылö, кытшöм-либо дискриминациятöг.
- 3. Быд уджалісь мортлон эм право бытшом да справедливой вештом выло, медбы сія ачыс и сылон гортіссес вермисо овны достойноя, а кор ковсяс, адззисо модік социальной отсот.
- 4. Быд морт вермо аркмотны профессиональной чуко да пырны эна профессиональной чукоррезо асьсо дорйом понда.

24 гижöт

Быд мортлон эм право шоччисьны, корны, медбы уджыс дыров эз кыссьы и кадісь кадо волі сетом вештана отпуск.

25 гижот

- 1. Быд мортлöн эм право сэтшöм олан вылö, кöр тырмис бы сёян, паськöм, вöлі бы оланін, шогöттэзісь веськöтöм, колана социальнöй отсöт, кöр ачыс мортыс и сылöн гортіссес олісö бы шогавтöг да бура, сідзжö эм право отсöт вылö, ежели мортыс öштіс удж, пондіс шогавны, лоис инвалидöн, кольччис öтнас нето сылö немöн лоис овны не ас кузяас.
- 2. Кага вайом да челядь зоротом сетоны право бытшом дозирайтом да отсот выло. Быд челядёклон, кодна чужисо гижсьом ай-мамлон нето гижсьытог, эм откодь социальной дорйот.

26 гижöт

- 1. Быд мортлён эм право велётчыны. Колё керны быдёс, медбы кёть начальнёй да общёй образованнё вёлісё вештісьтёг. Начальнёй образованнёыс быдённыс понда лоё обязательнёйён. Техническёй да профессиональнёй образованнёыс сетсьё быдлё, ётмоза сетсьё быд мортыслён сы вермём сьёрті и высшёй образованнё.
- 2. Мортсо коло велотны сы понда, медбы бура зораліс сылон личность, содіс уваженнё сылон правоэз да свободаэз дыно. Велотчомыс отсало вежортны отамодос, керо мортсо небытон, отирресо ёртасьото, отсало йитсьыны раса да енло веритом сьорті чукоррезло, а Нацияэзлон Йитом Чукорло керны да дорйыны бытшом лонь олан.
- 3. Ай-мамлöн эм приоритет бöрйыны, кытöн ны поснит челядьлö велöтчыны.

27 гижöт

- 1. Быд мортлон эм право пуктыны пай отласа культурной олано, гажотчыны искусствоон, зоротны научной прогресс да тодны сылісь быдос бурсо.
- 2. Быд мортлон эм право дорйыны ассис моральной да материальной вермоммез, кодна шедтомось сыон кыдз авторон научной, литературной нето художественной уджон.

28 гижöт

Быд мортлон эм право социальной да отиррез коласын примитом порядок выло, кода сьорті эта Декларацияын гижом правоэс да воляэс вермасо быдсон лоны пыртомось олано.

29 гижöт

- 1. Быд мортыс видзё кыв отир одзын, кёда ётнас вермё сетны сылё вольнёя да бытшёма зоравны.
- 2. Быд мортлісь правоэсо да волясо законысло коло джендотны дзир сы понда, медбы не оштыны правоэсо да свободаэсо модіккезло, а демократической йоз коласас вылына видзсис мораль, волі дзугсьытом да бур олан.
- 3. Эна правоэс да воляыс оланын некöр оз вермö мунны паныт Нацияэзлöн Йитöм Чукöрлöн принциппезлö да моггезлö.

30 гижöт

Нем эта Декларацияын оз вермы лоны вежортом сідз, бытьто кытшом-либо государстволо, йоз чукорло нето торья морттэзло сетом право удж выло нето керны мый-либо сэтшомо, мый бы мырддис правоэсо да волясо, кодна висьталомось эта Декларацияын.